

Dumonda Kappeler concernent BIM (building information modeling)

A chaschun da la sessiun d'avust 2018 ha il cussegl grond discutà il tema stausch a la digitalisaziun ed ha incumbensà la regenza da stgaffir las basas per in credit d'impegn correspondent da 40 milliuns francs.

Il building information modeling BIM (definiziun guarda sutvart) è in element da la digitalisaziun en la bransch da construcziun. En la planisaziun d'ina ovra architectonica èn involvidas las pli differentas organisaziuns, uschia sco incumbensader d'ina dimensiun pli gronda er il maun public. Las VFF prescrivan obligatoricamain BIM per lur immobiglias a partir da l'onn 2021; per ils projects d'infrastructura a partir da l'onn 2025.

Las sutsegnadras ed ils sutsegnaders dumondan la regenza en quest connex:

1. Tge è il stadi actual areguard BIM tar il chantun (construcziun auta e bassa)?
2. A partir da cura duain projects chantunals vegnir planisads obligatoricamain cun agid da BIM (construcziun auta e bassa)?
3. Co garanteschia il chantun che – en vista a las pretensiuns tenor BIM – er furniturs da servetschs ed interprendiders pli pitschens pon participar ad incumbensas chantunals (construcziun auta e bassa)?
4. Tge mesiras complementaras prevesa il chantun areguard BIM (p.ex. scolaziun e furnaziun supplementara a la SATE)?

Definiziun: Il building information modeling (BIM, modellar las datas d'ovras architectonicas) è ina metoda per optimar la planisaziun, la realisaziun e la gestiun d'edifizis e d'autras ovras architectonicas cun agid da software. Per quest intent vegnan modelladas, cumbinadas e registradas digitalmain tut las datas relevantas d'ovras architectonicas. L'ovra architectonica è alura visualisada er geometricamain sco model virtual.

Puntraschigna, ils 13 da zercladur 2019

Kappeler, Loepfe, Hug, Alig, Atanes, Berther, Bigliel, Brunold, Buchli-Mannhart, Cahenzli-Philipp, Cavegn, Censi, Della Cà, Deplazes (Cuira), Derungs, Dürler, Engler, Felix, Flütsch, Gasser, Geisseler, Giacomelli, Hitz-Rusch, Hofmann, Holzinger-Loretz, Horrer, Jochum, Kohler, Kuoni, Müller (Favugn), Niggli-Mathis (Grüsch), Papa, Paterlini, Perl, Rettich, Rutishauser, Schmid, Schutz, Schwärzel, Thöny, Ulber, von Ballmoos, Waidacher, Zanetti (Landquart), Pajic